



19

PRO SOLEMNI OBEDIENTIA,  
quam præstitit  
SANCTISSIMO  
D. N. CLEMENTI X.  
NOMINE SERENISSIMI  
PORTVGALLIAE, ET ALGARBIORVM  
PRINCIPIS PETRI  
EIVS LEGATVS,  
EXCELLENTIS. D. FRANCISCVS DE SOVZA  
Marchio de Minas, &c.

ORATIO

*Habita in publico Consistorio 22. Maij anni 1670.  
à Doctore Antonio Vellez Caldeyra, Militia Christi  
Equite, in supremo apud Lusitanos Iustitiæ Tribunali  
Regio Senatore, & in hac Regia Legatione à Secretis  
Serenissimi Principis Portugalliae.*



ROMÆ, Ex Typographia Varesij. MDCLXX.  
SVPERIORVM PERMISSV.

1. The first part of the paper is devoted to a general discussion of the problem.

2. The second part is devoted to a detailed analysis of the case.

3. The third part is devoted to a summary of the results.

4. The fourth part is devoted to a discussion of the conclusions.

5. The fifth part is devoted to a summary of the results.

6. The sixth part is devoted to a discussion of the conclusions.

7. The seventh part is devoted to a summary of the results.

8. The eighth part is devoted to a discussion of the conclusions.

9. The ninth part is devoted to a summary of the results.

10. The tenth part is devoted to a discussion of the conclusions.

11. The eleventh part is devoted to a summary of the results.

12. The twelfth part is devoted to a discussion of the conclusions.

13. The thirteenth part is devoted to a summary of the results.

14. The fourteenth part is devoted to a discussion of the conclusions.

OBEDIENTIA POTENTISSIMI,  
ET INVICTISSIMI  
PETRI PORTVGALLIAE PRINCIPIS, &c.

per Excellentissimum Dominum  
Franciscum de Souza, Marchio-  
nem de Minas, Comitem de Pra-  
do, Regium belli, & Status Con-  
siliarium, Dominum de Beringel,  
Ducem, & Gubernatorem supre-  
mum Prouinciæ, & Exercitus In-  
teramnenfis, Præfectum clarissimæ  
arcis Pacis Iuliæ, Oratorem ad  
**CLEMENTEM X. P. M. An.**  
**Dom. MDCLXX. 22. die mensis Maij.**



**CLEMENTI NONO**, inter omnes  
retro Pontifices verè Maximo, &  
immortali in terris vita dignissimo,  
religiosam ex animo obedientiam  
consecrare mandauerat Potentissi-  
mus, & Inuictissimus Petrus Por-  
tugalliæ Princeps; quo, ante diem,  
ad superos erepto, inter tepentes adhuc illius cineres,  
& viuas, Beatissime Pater, tuorum syderum flammæ;

inter occiduam illius lucem , & pulcherrimum tuæ nascentis gloriæ splendorem ; inter feralem illius pompam , & iucundissimum tuæ dignitatis concursum ; inter ingentem illius tumuli mœrorem , & tuum expectatum , & debitum triumphum ; inter lugubres illius eypressus , & virentes tuæ felicitatis laurus ; inter acerbos Regum , Principum , & totius Orbis , erga illum , singultus , & incredibilem , erga te , lætitiā , & voluptatem ; inter flebilia , & iterata Lusitanæ , erga illum , suspiria , atque desideria , & festivos , erga te , plausus , ac recentis gaudij oblectamenta , eandem obedientiam more maiorum consecrandam , tibi celeriter decreuit , ò Pater Beatissime : siquidem inimica mortis manu ex cœlesti Ecclesiæ Paradiso

---

*Vno auulso, non deficit alter*

*Aureus* ; Vno auulso, nempe Clemente IX, non deficit alter, hoc est Alterius, illius filius, Alterius Pontifex, Alterius Clemens, Alterius aureus. Filius, ex creatione Cardinalitia ; Pontifex, ex successione dignitatis ; Clemens, ex eadem nominis indictione ; aureus ex aurea verè indole, & pari cum eo amabilis naturæ, atque inestimabilis pretij morum probitate . Ita ut, si Clemens IX. interrogaretur, quis nam, eo decedente , Pontifex futurus esset ? Te pectore, & mente reuoluens, illicò responderet ; Alter ego : Aterius ego . Quod si gentilitium tuæ nobilitatis stemma perferutari fas est , non immerito, Clementi IX. proclamare licet : *Opera manuum*

..IIII..

*tuarum sunt Cæli* : idest, Beatissime Pater, tua lucidissima sydera , ad tollendam omnem ambiguitatis caliginem in Cælo Ecclesiæ mirificè refulgentia .

Reperio, quòd Magi quondam fortunatissimi, ex vnico aspectu, atque impulsu diuini illius syderis , quod eis in Oriente præluxit , depulsis ex animo veterum , quas antea sectabantur, opinionum tenebris , ad Christum adorandum subito conuolarunt, eam initæ à se viæ causam reddentes : *Vidimus stellam eius in Oriente, & venimus adorare eum* . Vbi tria notabilia inculcantur . *Videre, Venire, & Adorare* . Quod æquissimo, & Sacrosancto Conclauis accidisse, proditum est : diuersis enim rerum, & partium studijs sciso, & miris sententiarum varietatibus per quinque ferè mensium spatium fluctuanti , vbi primum tua illi fulserunt nitidissima sydera, illicò vidit, quò Cæli via duceret ; venit, idest conuenit ; & te Pontificem Maximum, & Legitimum Christi successorem adorauit, ad Tiaræ nuntium, pauidum , & confusum, delati vltro honoris reijcientem insignia , & quod nunquam satis orbis mirabitur, non e mentita specie, non ore tenus, sed toto mentis, atque animi conatu , supremum rerum fastigium ascendere detrectantem ; vt loco poeticæ quondam adulationis, vera deinceps succedat , & ab omnibus, sine fuce, decantari possit sententia

————— *solus meruit regnare rogatus* .

Hinc mihi de facili, & repente panditur perquam difficilis

cilis inter sacri eloquij Myſtas, ſed verus, ni fallor, ſenſus arcanæ illius imaginis, quæ Ioanni olim Euangeliftæ in Cælo apparuit. *Mulier amiſta Sole, & Luna ſub pedibus eius, & in capite eius, corona ſtellarum.* Pro muliere enim Romanam Eccleſiam accipio; Pro Sole, Legem Euangelicam agnoſco; Pro Luna, multiplices ſubieſti orbis varietates intelligo; Pro capite, te, Beatiffime Pater, non tam exiſtimo, quam indubitabili Fidei veritate conſiteor. Pro corona ſtellarum, auguſtum tui ſanguinis, & gentis inſigæ libentiſſimè amplector, quo militantis Eccleſiæ caput rectè ambiris, & tuis vndequaque cinctus ſtellis meritò, atque optimo iure coronaris.

Proinde, cum Eccleſia Romana Navis ſit Petri, tot fluctuum, & procellarum furijs expoſita, tot Scyllæ, & Charybdis inſidijs obſeſſa, tot bacchantium ventorum minis laceſſita, vt hæc, & alia pericula victrix euaderet, & optatum Sanctæ Ciuitatis, quò vela regit, portum ingrederetur, diuino hoc tuorum ſyderum præſidio opus erat. O felicia ſydera, quæ nos in Patriam, licet Aeolus fremat, & ſpumet mare, tranquillo motu, & immutabili luce Clementer ferunt! Nunc planè video, cur Imperatorum, Regum, Principum, & omnium nobilium Ciuium poſtibus lucent affixa; ne ſcilicet eorum aſpectu forte amiſſo, miſerum, ſine ſydere, naufragium experiantur, nam, vt quidam eleganter cecinit

*Mors eſt, ſine ſydere, vita.*

Illud

Illud præcipua obseruatione, nos Lusitani, dignum cen-  
 semus, & grata memoria recolimus, Te eadem die vige-  
 sima nona Aprilis hîc in Vrbe ad Pontificale euectum,  
 fastigium, qua in Lusitania, primam Solis lucem vidit  
 potentissimus, & inuictissimus Petrus Portugalliæ  
 Princeps; nam hinc etiam qualiscunque nobis subori-  
 tur, & affulget spes fore, vt sicut vnumquemque Deus  
 sub eodem Syderum aspectu ad supremam dignitatem  
 euexit, ita alter alterutrum reciproco amore diligit, &  
 mutuis beneuolentiæ officijs se ad inuicem complectan-  
 tur. Iure igitur, Beatissime Pater, prima, ante omnes,  
 te ambit, te requirit, & ad te properè accedit hæc no-  
 stri Principis sedula, & deuotissima salutatio, quam  
 Romæ, nondum Cardinalis, nuper audisti, & nunc vix  
 summam rerum adeptus, hodierna pariter suscipis, &  
 condecoras actione. Et merito; quis enim dignius re-  
 cipere, & amplecti debuerat diuina illa Portugalliæ in-  
 signia purpureo Christi Domini quinque vulnerum  
 emblemate madentia, & mira Fidei, ac diuini amoris  
 arte effigiata, quam Tu, quintus ordine Pontifex ab eo  
 tempore, ex quo hæc toties, debita Sedi Apostolicæ Le-  
 gationis obsequia, præstare conati sumus? Eò vel ma-  
 xime, quia & tibi, & Lusitaniæ illa tua, & hæc illius in-  
 signia è Cælo descenderunt; tibi, vt Cæli Clauigero;  
 Lusitaniæ, vt quæ Clauiger in Cælum introducturus es-  
 ses, secum adsportaret; nam sicut nullus, non nisi  
 Christi vulneribus ad viuum in se expressis, adsportari  
 mere-



merebitur, ita ; non nisi felici gratiæ , & amoris sydere prævio cælestis Regni Clauiger introduces .

Magnopere tamen ambigi potest , quidnam primum Serenissimus Princeps mente conceperit ? Anne tuæ sacrosanctæ dignitatis sublimem , ac pene diuinam felicitatem ? An tibi, & Orbi gratulandi debitum votum, & lætum desiderium ? Neutrum posterius alio existimare fas est, vtrumque par, mutuum vtrunque , & ad vtrumque directæ mentis acie collimasse Serenissimum Principem, diceremus ; nisi fatidicè, vt ita dicam, te, Beatissime Pater, antea diligeret , & peroptaret Pontificem , quam ei hic tuæ laudis , & gloriæ cumulus innotesceret, & prius in plausus , atque exultationem prodiret futuri numinis , tibi que hilare obsequium , & diuinam adorationem pendere vellet , tanquam præuisè conscius erumpentis prope Oraculi , quam tuæ bene auspicate, & meritæ lætitiæ dies adesset . Nescio enim , quam vim occultam , & arcanam conglutinationem , seu naturalem consonantiam inter se generant egregiæ animorum virtutes , innata veluti specie , & morum similitudine , vt nulla præcedente oculorum notitia , vel consuetudine, præclari homines se ad inuicem diligant , & singulari quadam amicitia lege vtrò prosequantur .

Audierat profecto , te illustria Ecclesiæ munera , hic in Vrbe , & Neapoli olim summa cum laude exercuisse ; non sine admiratione acceperat, mirabilem tuam, in rebus arduis solertiam , in aduersis constantiam , in  
prof-

prosperis modestiam, in splendidis temperantiam, in controuersis iustitiam, in domesticis beneuolentiam, in forensibus urbanitatem, erga pauperes munificentiam, erga miseros amorem, erga anxios solatium, erga ingenuos comitatem, erga elatos fortitudinem, erga Deum timorem, & reuerentiam. Et cum totam hanc tuarum virtutum congeriem valde miraretur, tuam singularem prudentiam, atque eximiam auctoritatem in summo semper pretio, ac præcipua veneratione habuit. Ea propter, nulla interiecta mora, tibi, Beatissime Pater, qui tot clarissimis virtutibus supremum folium, inter Cælum, & terram, inter Deum, & homines, collocasti, Serenissimus Portugalliæ Princeps imprimis amanter, & religiosè gratulatur, deinde vniuerso Christiano Orbi, serò quidem concessa, sed diu, vti speramus, duratura tanti Pontificis sorte fortunatissimo.

Hic è Lusitania prodit hodie in medium, ab occasu videlicet in ortum solis, vt qui illic gloriose coruscat, quantus, & qualiter hinc resplendeat, Te, Beatissime Pater, & in te Christum Dominum adoraturus, grauissimus, qui adest orbis concessus, sub diuino tuorum Syderum aspectu possit agnoscere. Princeps equidem, omni oratione maior, dignior omni cultu, & omni commendatione præstantior, cuius gesta, quò plus intueor, magis admiror, nec satiatur animus tantæ contemplatione virtutis.

B

Om-

Omnia in illo singillatim veterum Portugalliae Regum decora, singula vniuersim apparent expressa: augusta, & decora oris maiestas; bene compactum membris, atque agile proceri corporis robur; mentis acre, & maturum iudicium, magnorum negotiorum capax; ingenium priuatim solers, & iucundum; in standanda Republica, non solum erga omnes, facile, & benignum, verum etiam suapte natura liberale, & beneficum; cor nobile, & magnificum; vires eximiae, itaut ferocissimorum taurorum impetum solus sustineat, & eos solis manibus humi prosterнат; eques in pulchritudine fortis, & in fortitudine omnium oculis spectabilis. Summa illi iustitiae cura, pat veritatis existimatio, sed praecipua, inter caetera, diuini numinis omnibus modis colendi, & venerandi eum exagitat sollicitudo. Hinc fit, vt nihil magis in corde, atque oculis habeat, quam Euangelicae doctrinae iubar per vniuersum suae ditionis, hoc est, vtrumque solis hemisphaerium circumferre, iacentesque ibi in tenebris, & vmbra mortis ad Lucem Catholicae Ecclesiae, & Vitam aeternae beatitudinis euocare: adeoque huius caelestis gloriae avidus est, vt non solum maiores suos, antiquos Lusitaniae Reges, studeat aemulari, sed longe vltinius progredi, assidue meditetur. Ast id argumenti genus laucissime patet, nec potest, aut debet tam breui orationis periodo circumscribi; in promptu est cognoscere, quantus, & qualis sit Serenissimus Portugalliae Princeps Petrus, ex

vni-

vnico eius facto, quod recens vidit vniuersa Lusitania, audierunt finitimi, & omnis subinde Europa, non sine admiratione, percepit; regiam, nempe illum, imperij maiestatem vltro oblatam, non semel, non bis, non ter, sed sæpe, ac sæpius constanti proposito, & inuicta pectoris fortitudine reieciſſe, urgente regno, & acriter instante in illis proximioribus Comitijs, quæ ad Rempublicam benegerendam Lusitania postulauerat. O Principem sceptris, & Coronæ ornamentis, quæ respuis, longe maiorem, atque ornatiorem! O inauditam! ò inusitatam! ò incredibilem heroici verè animi magnitudinem!

Amplissimis Romanorum, Atheniensium, & aliarum nationum annalibus recensetur, quantum sanguinis, quantum stragis, quantum cædis, & lamentabilis exitij in orbe pepererit effrænata regnandi cupiditas, & cæca imperij dominatio; non aris, non templis, non legibus, non sepulchris maiorum, non amicis, non affinis, non consanguineis, non fratribus, non filijs, non parentibus indulgebatur; charius, quam omne numinis, & naturæ vinculum, erat imperium. Cedat ergo magnanimo, & moderatissimo Principi, quidquid clarum, quidquid splendidum, quidquid egregium, quidquid sublime, & inclytum, mirata est fucata illa priscorum temporum gloria, & vana commendatio; nam, mœnia pulsare, Vrbes euertere, populos subijcere, ciues capere, exercitus profligare, duces fundere, Reges

Solis lumine collustrarit . Illam dico, Nationem , quæ primùm indomito Neptuni imperio iugum imposuit , quæ sæuientem illius tridentem sola calcavit , quam audacium vndarum superbia, se longe audaciorem admirata contremuit ; cui mare, cui tellus, cui ignis, cui aer, cui rupes, cui scopuli, cui feræ, cui homines, cui casus, cui pericula sparsim, & omnia simul elementa victa cesserunt ; quæ vtramque solis regiam ita sceptro coniunxit, vt illi, Orientis, & Occidentis imperium nullo ditionis discrimine habeatur ; quæque suam potentiam, & dominationem adeo extulit, vt telluris, atque Oceani metas supergressa, ipsis tantum Cæli marginibus terminari videatur, vt sic tuis Sydenibus propior, innumeris præclusum gentibus Euangelij iter, ad te, & ad hanc Romanam Ecclesiam vndequaquæ aperiret, vt latè aperuit, & subinde nulli parcens sumptui, tot incognitas antea regiones, tot regna, tot provincias, multo discrimine adiuit, iugilabore excoluit, & post memorabiles toto Orbe, & gloriosas Catholico nomini victorias, ad beatum, & iucundum Sedis Apostolicæ ouile denique perduxit, atque, vt ita dicam, è terris in Cælum transtulit . Quod si res libretur exactè, plus infidelium gentium ad Fidei veritatem attraxit, quam omnes superioris, & nostræ ætatis hæretici è Catholicorum numero, in suorum errorum deuia abstraxere .

Ad perficiendum verò, & ad culmen ducendum  
tantæ

molis opus, non exiguas, proximò superiori Aprilis  
 mense inuictissimus Princeps Petrus, suarum opum, &  
 classium vires in Indiam conuertit, conuertetque  
 deinceps longè maiores, vt possit ex fertiliori Euan-  
 gelij segete pinguiorem Romanæ Ecclesiæ offerre pro-  
 uentum, & à te, Beatissime Pater, ampliorem mereri  
 Benedictionem; nam si suis maioribus ex hoc Eccle-  
 siæ Cælo felicia quondam sydera annuerunt, ei, qui eo-  
 rum vestigijs ardentius insistit, Clementis X. nunc in  
 Orbe regnantia astra benignissima, quid non spondent?  
 quid non indulgebunt? quid non præstabunt?  
 Viue igitur, Beatissime Pater, viue in multos an-  
 nos, proclamat sibi læta, & tibi gratulabunda Portu-  
 gallia; viue diu, quoniam te auspice, te authore, te du-  
 ce, aliud mare, atque alium Orbem celeriter perquiret,  
 facile inueniet, facilius superabit. Viue iterum diu, vt  
 nitidissima tuorum Syderum lumina magis, ac magis  
 splendent in dies, in Firmamento veritatis, & sancti-  
 tatis affixa, possintque per te fugata à facie Ecclesiæ  
 hæresum caligine, discussa errorum nube, extincta vi-  
 tiorum face, confusis mundi rebus afferre lucem, tur-  
 batis ferenitatem, cæcis iubar, ambiguis splendorem,  
 obscuris claritatem, desperatis spem, perditis opem,  
 afflictis solatium, cunctis remedium; ac tandem, post-  
 quam sic orbi salutariter fulserint, è terris in Cælum  
 recepta, sempiterna posteritatis memoria  
 commendentur.

Die

Die Iouis, vigesima secunda Maij, in  
 Consistorio publico Responsio ad  
 Orationem Oratoris Principis Por-  
 tugalliæ per Illustrissimum Domi-  
 num Marium Spinulam Sanctissi-  
 mo D. N. CLEMENTI X. ab  
 Epistolis ad Principes.

**P**laudat ex Apostolico Solio Præclarissimis Lusita-  
 niæ laudibus Sanctissimus Dominus noster, bar-  
 barisque, qua Terræ patent, ac maria, nationibus con-  
 terminam inclytæ gentis dominationem relegendis, ex-  
 celsos amplè sibi Fidei triumphos gratulatur, & propa-  
 gatæ Religionis trophæa. Efferuescentibus autem ad  
 tam iucundæ contemplationis spectaculum paterni cor-  
 dis ardoribus laxiores impressis altè à vobis extremis  
 etiam Orbis in regionibus pietatis heroicæ vestigijs fi-  
 nes, atque indeficientium impensè precatur Segetem  
 victoriarum. Ingens profectò demandatis sibi Cæli iu-  
 ribus auspiciari sibi censet incrementum, dum pro filijs  
 orthodoxæ Matri adeo strenuè militantibus, festiuam  
 hanc votorum exerit nuncupationem. Præstitam verò  
 obsequentiissimè in præsentia Regni Vniuersi, eiusdem-  
 que Supremæ à familia regnatrice moderatoris nomine,  
 illustrium more maiorum, ac felicissimæ recordationis  
 deces-



Decessori suo humillimè designatam antea, debitamque prorsus obedientiam, tanti quoque Oratoris præstantia apprimè insignitam, suffragante vna secum Purpurato venerabilium fratrum suorum Sanctæ Romanæ Ecclesiæ Cardinalium Senatu, Pontificiæ charitatis in sinum recipit, beneficijs utique, non verbis, ubi cum Domino poterit, præcipuis adstrictam filialis obseruantia significationibus, voluntatem vsque suam disertissimè declaraturus. Gaudet interea summopere eximijs spectandum virtutibus Portugalliæ Principem, non alienos in huius Sanctæ Sedis obsequium à Regalibus progenitoribus suis animos gerere, nouorumque in dies coruscantium mlatè fulgore facinorum, antiquam vltro splendidarum imaginum gloriam obscuraturum, omninò sibi pollicetur.

Hanc ferè in sententiam paternos me referre sensus, ac luculentissimæ modo habitæ Orationi responsum reddere Sanctitas sua mandauit.

**L A V S   D E O .**





